



Saksframlegg

Saksnr:	Utval:	Dato
	Formannskapet	10.02.2021
Sakshandsamar:	Sektor for oppvekst, undervisning og kultur	Hilde Gunnarson
Avgjerslemynde:	Arkivnr.: 21/227	Klassering:

Orienteringssak - revidering av vedtekter for kommunale barnehager

Rådmannen sitt framlegg til vedtak:

Saka vert teke til vitande.

Saksopplysningar:

Vedtektene er revidert jamfør ny Barnehagelov av 01.01.2021 og andre føringar.

Vedtektene er skriven om for å bli lettare å forstå for foreldre og andre.

Opptak, sjå 6.1: Nytt - eit overflyttingsopptak skal ta vare på dei søkarane som allereie har barnehageplass, og som ønskjer å byte barnehage. Bakgrunn: det vil bli lettare for foreldre og styrarar få innsikt i sakshandsaminga. Overflyttingsopptaket vil frå 2022 kome før hovedopptaket.

Endring i prioritering av opptakskriterier, sjå 6.2: følgande punkt er tatt inn og vert gjeven prioritet ved opptak: «Barn av fast tilsette i kommunen, i bransjar der det er vanskeleg å rekruttere tilsette. Krav: dokumentasjon av tilsetting». Bakgrunn: dette har til no vore ei skjønnsvurdering, noko som har vore vanskeleg for andre søkarar å få innsikt i og difor vanskeleg kan klage på sakshandsaminga.

Opningstider, sjå 8: Barnehagane sine opningstider er ikkje like. Bakgrunn: det er gjort nokre lokale tilpassingar og det er viktig for foreldra at dette kjem tydeleg fram når dei skal søke barnehageplass.

Barna sin ferie, sjå 8 : Det stod tidlegare at den 4.ferieveka måtte takast ut i samanheng og dette er no endra til «Den siste ferieveka kan takast ut i samband med juleferie/påskeferie eller etter melding til barnehagen». Bakgrunn: Sidan barnehagane har stengt 3 veker på sommaren og har stengt seks planleggingsdagar, er det ønskje om at foreldre kan tilpasse den siste ferieveka til sitt og familien sine behov. Vurdering: Dette kan føre til at foreldre ikkje tek ut fleire enn 3 veker på sumaren. Kommunen følgjer med dette praksisen i nabokommunane.

Betaling for barnehageplass, sjå 9.1: Det er teke ut av vedtektene at barnehageplassen vert sagt opp på grunn av manglande betaling, og lagt inn ei presisering om at det skal gjerast ei avtale om nedbetaling. Oppseiing har ikkje vore praktisert i Osterøy dei siste åra. Bakgrunn: Kunnskapsdepartementet og statsforvaltaren har avklara at ein kommune ikkje har rom for å sei opp barnehageplass på grunn av uteståande betaling. Dette fordi det kjem i konflikt med rolla som barnehagemynde, der kommune har plikt til å syte for barnehageplass til alle som har rett til barnehageplass. Dette var ei sak i Oslo og Bergen kommune i 2013-2016.

Vurdering

Folkehelse – ingen konsekvensar

Miljø – ingen konsekvensar

Økonomi – vedtektsendringane vil ikkje påvirke økonomien.

Konklusjon

Vedtektene er revidert jamfør ny Barnehagelov av 01.01.2021.

Vedtektene er skriven om for å bli lettare å forstå for foreldre og andre.

Vedlagte saksdokument:

Vedtekter for kommunale barnehagar i Osterøy	286420	25.01.2021
Vedtekter kommunale barnehagar i Osterøy, revidert des.-20	286421	25.01.2021